

Fröher opston

Text: T. Engel / Musik: T. Engel, K. Engel
Verlag: Engelsongs / Neuton Musikverlag

Jetz maach ens he un e besje flöck
Häs jetz jenoeh eröm jehange
Ich saren dir et es höchste Zick
Öm ens jet Anständijes anzefange

Op wat waats du
Komm un ploch dich jetz
Föhls du keinen Drang
Meins du villeich m´r röf dich noch
Oder waat op dich e Lääve lang

Die Zick die spillt met dir Roulette
Un liet dich af un zo jewenne
Doch ich saren dir bliev wach
Du darfs jetz jonit enpenne

Du muß nit jläuve dat dir einer hilf
Afschriev es vorbei
Wills de jet dann hilf d´r selvs
E Fleißkäätche jit et kei

Jung do mußte fröher opston
Do kannste nit lijje blieve
Do mußte fröher en et Bett jon
Un dich nit üvverall eröm drieve

Jung do mußte fröher opston...
Doch pass op
Un loss dich nit verheize Jung
Se wollen immer nur di Bess
Ävver genau dat krijjen se nit
Se krijjen nur d´r Ress

Op wat waats du komm
Un ploch dich jetz
Föhls du keinen Drang
Meins du villeich m´r röf dich noch
Oder waat op dich e Lääve lang

Jung do mußte fröher opston
Do kannste nit lijje blieve
Do mußte fröher en et Bett jon
Un dich nit üvverall eröm drieve

Jung do mußte fröher opston...

Solo

Un häste dann ens endlich
Ne kleine Fesch em Netz
Dann halden fess
Söns es hä widder fott
Un landet wie su off
Bei `nem Andere em Pott

Jung do mußte fröher opston
Do kannste nit lijje blieve
Do mußte fröher en et Bett jon
Un dich nit üvverall eröm drieve
Jung do mußte fröher opston...